

He Wehewehe no ka Ho'opihapiha Pepa Noi Komo no ka
Papahana Kēkelē Laeo'o no ka 'Ōlelo a Mo'okalaleo Hawai'i

PAPA HŌ'OIA

- Palapala Noi Komo Kulanui
- Ke kākī noi komo he \$50
- Ka mo'omō 'ali kaha kulanui (na ke kulanui e ho'ouna pololei mai)
- Nā leka kākō'o he 'ekolu
- Pepa kālai'ike pae mulipuka i la'ana o kāu hana (kākau 'ia ma ka 'ōlelo Hawai'i inā ua loa'a)
- Ka puka ma ka hō'ike komo no ka 'ōlelo Hawai'i

**LĀ PALENA PAU MAKAKOHO:
01 Kekemapa**

KA PAPA HANA

'O ke ala nu'ukia o ka papahana Kēkelē Laeo'o ma ka 'Ōlelo a Mo'okalaleo Hawai'i, 'o ia ka ho'omākaukau 'ana i nā 'imi na'auao e noi'i a ho'omāhuhua a'e i kō kākou 'ike no ka 'ōlelo a mo'okalaleo Hawai'i i mau aku nō ke ola. Ua ho'okumu 'ia ia papahana ma luna o nā kumuwaiwai mo'okalaleo he nui a lehulehu no nā kenekulia 19 a 20, me ke kilo pū aku i ke ola o ka 'ōlelo a mo'omeheu Hawai'i o kēia wā.

'O kēia ka papahana mulipuka mua loa no nā 'ōlelo 'ōiwi 'Amelika a pau. Ua ho'okumu 'ia ka papahana no nā haumāna mākaukau mua ma ka 'ōlelo a me ka heluhelu i ka 'olelo Hawai'i. Ho'okomo 'ia nā haumāna ma ka pū'ulu, ma kela me kēia makahiki 'ekolu. 'O ka nui o ka 'ai no ka papahana he 36 'ai ma ka li'ilī'i. I kēia manawa he papahana Plan A wale nō, i koi 'ia ke kākau 'ana i ka pepa puka.

He ho'omākaukau kēia papahana i nā haumāna puka no ka ho'okō 'ana i nā noi e māhuhua a'e nei no ka 'ike kūhohonu i ka 'ōlelo a mo'okalaleo Hawai'i ma nā pō'aiapili like 'ole o ka noho 'ana ma Hawai'i nei. 'Oiai he koi ke Kumukānāwai o ka Moku'āina 'o Hawai'i i ka ho'olaupa'i 'ōlelo Hawai'i, 'o ia ka 'ōlelo nāwaliwali loa ma nā kula aupuni o Hawai'i nei. Ho'Ōho nō, ua nui nā haumāna ma nā papahana a'o 'ōlelo Hawai'i o nā kulanui me nā kula ki'eki'e. Aia ka 'i'o, ka 'onipa'a a me ka māhuhua 'ana a'e o ia mau papahana i ka po'e i kula 'ia ma ka pae mulipuka o ka 'ōlelo a mo'okalaleo Hawai'i.

KE KA'INA HANA NOI KOMO

'O ka lā palena pau no ke noi komo ka lā 01 o Kekemapa. Ma hope o ia lā, e 'ae wale 'ia nō nā noi lohi inā mau nō ka lawa o ka lumi.

E ho'ouna 'ia ka pepa noi komo i ke Ke'ena 'Aekomo o ke kulanui a ho'ouna 'ia nā palapala kākō'o 'ē a'e a pau i ke koleke 'ōlelo Hawai'i 'o Ka Haka 'Ula o Ke'elikōlani.

E pane'e 'ia aku ana nā noi e kū ana i nā koina a pau i ke Kōmike 'Ae Komo o Ka Haka 'Ula O Ke'elikōlani. E ho'ouna 'ia aku nā mana'o ho'oholo o ke kōmike i ke Mokuna Mulipuka nāna e hō'ike aku i ka mea noi.

NĀ KOINA KOMO

1. kēkelē laepua no kakahi kulanui i 'āpono 'ia
2. 30 'ai ma nā papa heluki'e 'Ōlelo a Ha'awina Hawai'i he 3.5 ka 'awelike kaha, a he "B" ke kaha ha'aha'a loa o kēlā me kēia papa
3. he pepa kālai'ike pae muapuka i la'ana o kāu hana (kākau 'ia ma ka 'ōlelo Hawai'i inā ua loa'a)
4. nā leka kākō'o he 'ekolu
5. ka puka ma ka hō'ike komo no ka 'ōlelo a mo'omeheu Hawai'i

He maika'i inā ua hana mua ma loko o ka papa kaiapuni Hawai'i a me nā wahi 'ē a'e paha e ki'eki'e ai ka pae 'ōlelo Hawai'i.

Ka Ho'oili 'Ai Kulanui: E ho'okō 'ia nā noi ho'oili 'ai mai kekahi kulanui ma ke kau mua o ka noho 'ana o ka haumāna ma ka papahana. E ho'oili wale 'ia mai nō nā 'ai he "B" a 'oi mai nā kulanui i 'āpono 'ia. 'A'ole e 'oi aku nā 'ai e ho'oili 'ia i ka 12. E pono ka pau mua o nā 'ai ho'oili i loko o nā makahiki he 'ehiku ma mua o ka puka 'ana o ka haumāna me ke Kēkelē Laeo'o.

No ka 'ikepili 'ae komo, e kama'ilio me:

Māhealani Jones
Mokuna Mulipuka, UH Hilo
200 West Kāwili, Hilo, HI 96720-4091
kelepona: 808-932-7926
hilograd@hawaii.edu
www.uhh.hawaii.edu/academics/graduate

No kekahi 'ikepili hou aku, e kama'ilio me:

Ku'u lei Kepa'a
Ka Haka 'Ula O Ke'elikōlani, UH Hilo
200 W. Kāwili, Hilo, HI 96720
kelepona: 808-932-7730
kelepa'i: 808-932-7214
kuulei.kepaa@hawaii.edu

No ke noi komo, e 'e'e ma:

<http://hilo.hawaii.edu/admissions/Apply.php>

**E ho'ouana pololei 'ia nā palapala kāko'o a pau i ka
Mokuna Mulipuka o ke Kulanui 'o Hawai'i ma Hilo.**